

Uunga siunnersuut: Piginnaangorsaqqinnissamut ikiorsiisarneq pillugu Inatsisartut peqqussutaata allanngortinneqarneranik Inatsisartut inatsisaat nr. xx, xxx 2017-imeersoq

(Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu allanut Naalakkersuisoq)

Saqqummiussissut

(Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu allanut Naalakkersuisoq)

Siullermeerinnineq

Naalakkersuisut sinnerlugit matumuuna Piginnaangorsaqqinnissamut ikiorsiisarneq pillugu Inatsisartut peqqussutaata allanngortinneqarneranut Inatsisartut inatsisaattut siunnersuut saqqummiuppara.

Allannguutit imarisaata aaqqissuunneqarneranut attuumassuteqarnerupput, kommunillu erseqqissaassuteqarnissamik kissaateqarnerat aallaavigalugu pillutik. Ingammik piginnaangorsaqqinnissaq sioqqullugu qulaajaanermut tunngasut apeqqusiinissamut pissutissaqalersitsipput, taamaammallu piginnaangorsaqqinnissap aallartinneqarnissaa sioqqullugu tamatigut qulaajaanermik ingerlatsisarnissaq maanna erseqqissarneqarpoq.

Taamattaarlu eqaannerusumik suliffeqarnermut malittarisassat erseqqissarneqarput, taamaalilluni innuttaasunut killilimmik sulisinnaassusilinnut, taamaalillunilu uninngaannarluni ikiorserneqarnermut ingerlaqqiinnarnani suliffeqarnermut attaveqarnermik attassineq ajornaannerulersinneqarluni.

Taamak naatsumik oqaaseqarlunga siunnersuut Inatsisartunut suliassanngortippara.